

瘍

醫

大

全

瘍醫大全目錄

卷十

正面頭面部

百會疽門主論

附方

頂門疽門主論

小兒顛腫門主論

附方

小兒顛陷門主論

附方

小兒解顛門主論

附方

鱗拱頭門主論

附方

白屑風門主論 附方

額疽門主論

赤色疽門主論

太陽疽門主論

鬢疽門主論 附方

頭髮門主論 附方

眉毛門主論 附方

發眉疽門主論 附方

眉心疽門主論

戀眉瘡門主論 附方

眉風癬門主論 附方

眉眶骨痛門主論 附方

太陰發門主論

眼胞菌毒門主論 附方

眼胞痰核門主論

眼丹門主論 附方

漏睛瘡門主論 附方

眼睛崇症門主論 附方

偷針眼門主論

雙目流血門主論 附方

痧痘後兩目腫門主論

痘風眼門主論 附方

痘毒攻目門主論 附方

小兒血眼門主論

瘍醫大全卷十

蕪湖顧世澄練江氏纂輯

婿錢之栢東陽

全校

男 櫛髮用和

正面頭面部

自巔頂起至髮鬢額角眉目止凡一切癰疽疔毒皆彙於此部中以便檢閱參治

百會疽



百會疽門主論

王肯堂曰百會疽一名玉頂疽

百會穴一名三陽五會在前頂後一寸五分

分頂中央旋毛中陷容豆督脉足太陽之交會

初發如麥米頓增痛楚寒

熱大作由陽虛浮泛宜鹽湯下入味丸引火歸源

若元氣素厚六陽經受風邪風火相煽臟腑熱毒

上攻而成者宜黃連消毒飲七日無膿者死

準繩

申斗垣曰腦發生於巔頂之上泥丸宮穴乃足太陽

膀胱經兼督脉相並而作多血少氣狀如火燎漿

泡大如銅錢色如葡萄頭如米粒四圍堅硬赤色

可治悶亂神不定者死如入日有膿可刺者生
啟
立

又曰前腦疽卽腦癰俗云顛門蕩子發癰是也有生
於顛門有生於腦前腦後腦側者皆由當風睡卧
風寒入腦氣血凝滯遂生此症四五日可治半月
二旬以外毒氣深入腦內難治又有腎經虛熱壅
於腦戶伏結成毒但潰久成穴腦髓外流者不治
治與癰疽法同

胡公弼曰頂門乃三陽經脉聚會之所其穴名曰百

會穴此處前後生毒最易傷犯腦髓腦髓一陷最
不易治是陽經亢極熱氣不散氣血凝滯結聚巔
頂而成此疽係心經受症治之忌灸如有用灸者
艾炷宜小壯數宜少若火氣太過會合陽經毒流
頭面潰爛難治故曰不宜灸也 青囊

蔣示吉日腦發疽生巔頂之上由督脉太陽經所主
受病在心乃陰陽不調熱氣上壅聚而不散而成
若不速治頂裂髓枯不可救矣

心法曰百會疽生頭頂中央自側面觀之正對耳尖

者是

又曰已潰開瘡看視務宜密室中揭膏拭膿收拾切
忌外風襲入以免漫腫抽搐之虞

澄

曰頭爲諸陽之首巔乃腦髓之穴此處患毒非諸
陽蘊熱亢極卽心事勞攘火炎或素有蓄熱醇酒
炙燂而成或過服升柴提動積熱而起初起如粟
根脚堅硬不紅不焮痛疼徹腦頭如頂石破後無
膿鼻流穢物者死如初起紅腫根脚分明潰後得
膿者吉但不可輕敷涼藥逼毒入腦施治之法悉

遵癰疽治法母庸分門立方

百會疽門主方

立消散

敷百會疽

龍膽草

藁本

西牛黃

白芷

地骨皮

雄黃

金銀花籐

各等分

共研極細生酒調敷中留一孔透氣自消

頂門疽



頂門疽門主論

王肯堂曰頂門疽一名佛頂疽此屬太陽經風熱所

致穴名上星

在神庭後入髮際一寸

由臟腑陰陽不調熱毒

上壅而成脉大神昏二便閉結者不治準繩

申斗垣曰頂門疽又名佛頭疽乃心經受症陰陽不

和積熱上壅入於腦中遂成此症如根脚穿過腦

者不治啟玄

蔣示吉日頂疽生巔頂上乃任脉所主六腑不調熱

壅上焦濕聚高巔而成說約

澄
曰頂門疽有堅硬木痛者爲疽均照癰疽門施治
故不另立方方法若紅腫如桃似李或上有黃頭膿
血相雜小兒積暑熱癰多有類此者不可作頂門
疽治之

小兒顛腫門主論

馮曾瞻曰顛腫者顛門腫起也脾主肌肉若乳哺不常饑飽無度或寒或熱乘於脾家致使臟腑不調其氣上充爲之腫脹顛突而高如物堆聚毛髮短黃骨蒸自汗者更有風熱傷肝木鬱思達所以令腫者更有肺熱生風肺主皮毛亦令顛腫毛焦者更有胎中受熱所致者然寒氣上衝而腫者牢靳堅硬熱氣上衝者柔軟紅色更有外因覆護過煖陽氣不得外出亦令赤腫寒者溫之熱者涼之外

用封顛法可也

錦囊

澄曰小兒顛腫多由肝風脾熱上壅驚風慢脾之證
多見之切不可輕用犀角磨塗涼藥外敷逼熱入
腦多令危亡祇宜疏風平肝導熱其腫自消

小兒顛腫門主方

全生湯

感熱顛門忽腫

遠志肉

蟬蛻

明天麻

防風

羌活

活各五分

川芎

桔

梗

各四分

牛蒡子

炒三分

甘

草

一分

燈心水煎服

小兒顛陷門主論

馮魯瞻曰顛陷者有因臟腑有熱渴飲水漿致成瀉痢久則血氣虛弱不能上充髓腦故下陷如坑此乃胃虛脾弱之極宜急扶元若與枕骨並陷百難救一亦有父精有損母血虛衰稟元不足是以形容枯瘦陰陽兩虧無時溫熱而顛陷者有因蓄熱不除漸至身羸髮落脚縮手拳皮焦鶴膝血絕筋衰而顛陷者宜各隨症調治枕陷尤重於顛陷不獨小兒也蓋耳後方圓一寸皆屬於腎陷則腎元

敗矣 錦囊

澄曰顛陷乃病後元氣不振所以陷也惟內服異功散扶脾保元此爲良策

小兒顛陷門主方

嬰寧湯

治吐瀉後感寒顛陷

人參 五分

白茯苓

木通 各七分

炙甘草 一分

川芎

酸棗仁 炒各四分

升麻 煨

製附子 各三分

姜引

烏附膏

治顛陷

生附子 五錢

雄黃

綿川烏 生用各二錢

研末用連根葉生菽搗成膏空心貼顙上

小兒解顛門主論

馮魯瞻曰解顛者頭縫開解而顛不合也書曰母虛
羸瘦父虛解顛是由稟氣不足先天腎元大虧腎
主腦髓腎虧則腦氣不足故顛解開然人無腦髓
猶樹無根不過千日則成廢人有以父精不足則
解顛眼白睛多爲論者有以屬母之血虛熱多而
論者其候多愁少喜目白睛多面眊白色若成於
病後者尤凶宜久服地黃丸外用封顛法可也亦
有因懷胎五月忽被大風大雨雷電驚胎以致顛

骨開解者然是症若至年長不合必至骨中蒸熱
肉乾皮黑肢體柴瘦骨節皆露成鶴膝者大宜調

補天元以圖萬一

錦囊

陸亭川曰六味地黃丸本滋肝養腎之仙丹用之於
初生嬰孩其功更大凡小兒百日外每早白湯化
服一丸此時小兒知識未開服之培補先天極有
神功蓋肝主筋腎主骨自幼服之不但無解顱之
患且強其筋骨滕蓋易滿行走亦快此發前人未
發之論故標之於此以爲保嬰之一助也但小兒

服丸後隔一時再與乳喫如外感風暑內傷乳食
卽暫停愈後再服

澄
曰解顱乃先天稟受本虧乳食不調生而多病是
以頭顱分解惟六味地黃加紫河車爲丸服之自
合用之屢效

小兒解顛門主方

調元散

治稟受不足顛顛開解肌肉消瘦齒語行遲

山藥 一錢

白茯神

人參

白茯苓

黃芪 蜜炙

熟地黃

白朮

白芍藥 各伍分

川芎

炙甘草 各六分

石菖蒲 四分

薑棗煎

人參地黃丸

嬰孩顛顛開解此乃腎氣不成腎主骨髓腦爲髓海腎氣不成所以腦髓不足故不合

人參 二錢

熟地 四錢

鹿茸 酒焙

懷山藥

白茯苓

山萸肉 去核

牡丹皮 各三錢

爲末蜜丸芡實大參湯調化食遠服神效

治解顛 莊氏

山茵陳

百合

車前子 各五錢

研末烏牛乳汁調塗兩足心及頭縫開處帛裹

三日一換

封顛法

驢頭骨不拘多少燒灰研細以清油調敷頭縫中

又法

狗頭骨炙黃爲末鷄子清調塗

河車地黃丸

紫河車 一具

熟地

搗膏入

懷山藥

炒四兩

丹皮

白茯苓

澤

瀉

鹽水炒各三兩

山萸肉

去核酒炒四兩

右爲末煉蜜爲丸芡實大每早晚白湯調服一

丸

顛門不合頭瘡不乾

敗龜版煨灰搽之

鱧拱頭門主論

陳實功曰鱧拱頭俗名猶猪患小而稟受悠遠此皆
父精母血蓄毒而成生後受毒只發一次其患腫
高破之又腫皆由稟受時原有衣膜相裹毒雖出
而膜未除故愈而又發膿熟腫甚者用針刺破又
有風襲外口患雖不腫而不收口者敗銅散主之
正宗

澄
曰亦有小兒夜間以頭藏在乳母懷中睡覺熱氣
薰蒸而成亦有小兒不避烈日暑毒而成者初起

甘草熬膏敷之自消已成逐個須用圍住根脚庶不致相串難乾此不易之法也

又曰凡患鱧拱頭收功後當戒鱧魚否則次年必發心法曰鱧拱頭又名騶蛄癩俗名貉貓

鱧拱頭門主方

敗銅散

鱧拱頭破後膿水不乾愈後又發久不收口

化銅舊罐

研細

將毒洗淨香油調搽忌口

久不愈者

糞坑內磚上宿垢竹刀刮下煨存性研蘇油調搽

又方

蛇蛻一片唾沫潤貼瘡上卽出膿收口

又方

烏梅肉搗爛和黃蜜再搗如膏量瘡大小攤貼惡肉卽消並治諸瘡癰內突出贅肉

又方

芫貳兩生薑一兩松香肆兩全煮松香老嫩得宜乘熱去芫薑只用松香熱籬鱗拱頭外留頭出膿則不相通串矣貼膏上生肌藥收功神速

又方

用餅麵敷住四圍以膏貼頂上易於收功

又方

皮底舊鞋一隻去泥淨燒存性研末菜油調敷其
膿自出屢試有效

又方

屋內倒掛烟塵猪膽汁調敷

又方

磁器搥碎研如粉雞蛋清調敷

又方

百草霜研細菜油調圍立效

又方

銅 青 一兩
松 香 五錢
草 麻 子 六十粒

葱三根搗爛成膏青布攤貼

又方

生紅柿皮貼患上自乾

白屑風門主論

陳實功曰白屑風多生於頭面耳項髮中初起微癢
久則漸生白屑叠叠飛起脫之又生此皆起於熱
體當風風熱所化治當消風散玉肌散次以當歸
膏潤之髮中作癢有脂水者宜楊梅瘡門中翠雲
錠搽之 正宗

澄
曰白屑風用厚朴或桑葉煎湯洗之即愈

白屑風門主方

頭生白屑乃肝經風盛也

山豆根浸油塗之或研細以乳汁調塗

又方

白芷

零陵香 各等分

研末浸香油塗之候三五日篋去不過二三次
永不再發

祛風換肌丸 正宗

治白屑風及紫白癩瘋頑風頑癬濕熱瘡疥一

切諸瘡搔癢無度日久不絕愈之又發者宜之

天花粉

何首烏

等分

威靈仙

苦參

蒼朮

牛膝

大胡麻

生甘草

石菖蒲

川芎

當歸

各減半

各減半

右為末新安酒疊九菜豆大每服二錢白湯送下忌牛肉火酒雞鶩羊等發物

左額疽

右額疽

額癩



瘍醫大全

卷十 額疽

圭

顧氏秘書

額疽門主論

鬼遺方云左額右額發赤疽不拘大小狀如桃李此屬足陽明胃積熱而成急宜用藥貼破見膿無害王肯堂曰右額角一處發毒疽及惡瘡爲近太陽穴如腫滿太陽卽成虛損爲近穴而難消不可破如破後外傷風水卽能害人亦宜用藥潰膿後速斂瘡口如經冬月卽成冷瘡緣此處近太陽穴上至額角都爲險處如過時潰爛腦髓出者死

準繩

申斗垣曰額發在曲差穴

挾神庭傍一寸五分入髮際

下攢竹二

穴

一名員柱一名始光一名光明在兩眉陷中

俱足太陽膀胱經多血

少氣初發頭痛增寒項似拔腰如折赤腫宜汗之
啟立

陳實功曰透腦疽生在額上髮際之間多發寒熱頭
疼如斫不可忍耐先用萬靈丹發汗解散風邪次

宜清托之 正宗

澄
曰額疽之發乃骨多肉少之處潰後最忌襲風傷
水雖貼膏藥亦須遮護庶無破傷風濕之患治法
悉遵癰疽門治法加引經藥治之

又曰凡額疽治法悉如癰疽治法無庸分門立方

赤色痘



赤色疽門主論

鬼遺方曰赤色疽發頭額及腦前並手掌中十日不
穴者死七日可刺出血七日未有膿不可治也

太陽疽



瘍醫大全

卷十

太陽疽

毒

顧氏秘書

太陽疽門主論

鬼遺方云左右太陽穴或發疽癢及癰五七日不潰
毒氣流入眼眶攻眼眼合不開用藥貼破破後慎
外風水侵入卽損其睛損傷眼臉而成大疾此名
勇疽亦名腦發疽屬足陽明胃經如流清稀黑血
及潰爛透腦者死

證
曰治太陽疽法悉同癰疽治法故不另立主方

鬚
粗



鬢疽門主論

陳實功曰夫鬢疽者乃手少陽三焦相火妄動又兼
腎水不能生木或外受風寒但此經多氣少血肌
肉相薄最難腐潰此皆性情急暴房慾血虛火動
肝氣凝結而成疽也初起寒熱交作頭眩痛徹太
陽甚則耳目連鬢通腫治法不可妄用針灸如初
見瘡時寒多熱少口乾作渴好飲熱湯六脉虛數
無力又兼患上堅硬多不焮痛無潰無膿瘡根流
散此乃真氣虛而邪氣實也托裏爲主消毒佐之

如初見瘡時多熱少寒頭眩作痛口燥舌乾渴欲
飲冷二便秘澀六脉沉實有力瘡亦焮腫疼痛身
體發熱易腐易膿根脚不開腫焮在外此乃正氣
實而邪氣虛也消毒爲主托裏佐之大抵正氣勝
則邪氣虛正氣虛則邪氣實正氣勝則實邪氣勝
則虛必然一勝則一負邪正不並立欲其虛而不
待損而自虛矣

正宗

又曰又有未見瘡時先作渴證一年半載日久日重
然後發爲鬢疽其形色多紫黑瘡多平陷堅硬無

膿毒流耳項又兼氣味不正形容不澤精神不明
飲食不進者俱爲不治

胡公弼曰鬢乃足陽明經所行之處由肺胃積熱上
壅發毒者多其見證也寒熱往來嘔逆惡心目痛
鼻乾等證若疽深寸餘者不治

陳遠公曰有鬢中忽生疽紅腫高突頭面目鼻俱浮
異於平常此陽毒也蓋兩鬢近太陽乃陽位也陰
氣不能至故作陽症治之然往往有變爲陰症者
所以陽藥中加入陰分之味以防其變若已潰爛

尤須陰藥多于陽藥也擬用理髮湯治之 水鑑

申斗垣曰鬢疽乃足陽明胃經多血多氣生於頭維
穴初如癰子後漸大硬如石皮似豬皮棕眼睡中
譫語恍惚吐逆鮮血流入四肢者萬死一生 啟玄

澄

曰鬢疽宜養肝血托裏成膿不可輕用寒涼潰後
避風初起粟窠作癢木痛切勿抓破如破卽用膏
蓋若一外風襲入漫腫頭目壅腫根脚必硬不可
不慎

鬢疽門主方

理鬚湯

辨證水鑑

治鬢疽已潰未潰無不收功

川芎

當歸

各一兩

金銀花

三兩

夏枯草

三錢

白芷

二錢

水煎服二劑卽消已潰者四劑全愈

此方以金銀花夏枯草更得施其祛逐之功
又妙在芎歸補氣血陰陽雙益正氣足則邪

自難變安
得不愈哉

柴胡清肝湯

治鬢疽初起毋論陰陽表裏

生地

天花粉

川芎

牛蒡子

白芍

甘草節

柴胡

當歸

防風

連翹

黃芩

山梔各等分

白水煎食遠服

鼠粘子湯

治鬢疽初起寒少熱多頭眩作痛口燥咽乾渴
欲飲冷二便秘澁六脉沉實有力煩悶疼痛者

桔梗

鼠粘子

赤芍

地骨皮

當歸

天花粉

元參

甘草稍

木通

防風

連翹

各一錢 大黃 炒二錢

白水煎食前服

加味逍遙散

治鬚疽七日以上根盤深硬色紫焮痛

白朮

天花粉

柴胡

牡丹皮

貝母

白茯苓

當歸

白芍

陳皮

山

梔各八分

紅花

甘草

各五分

淡竹葉二十片全煎食後服

梔子清肝湯

治少陽經虛肝火風熱上攻遂成鬢疽痛連頸
項胸乳太陽等處或寒熱晡甚胸滿口苦舌乾

柴胡

川芎

當歸

牛蒡子

白芍

牡丹皮

石膏 山梔各一錢 黃芩

黃連 甘草各二錢

白水煎食後服

清肝解鬱湯

治暴怒傷肝憂思鬱結致肝火妄動發爲鬚疽
頭眩痛徹太陽胸膈痞連兩脇嘔吐酸水

熟地 當歸 白芍

白朮 白茯苓 貝母

山梔各一錢 人參 半夏

柴胡

牡丹皮

陳皮

川芎

香

附各六分

甘

草

四分

薑三片煎食遠服

參苓內托散

治鬚疽已成堅而不潰潰而不斂氣血俱虛身
涼脉細飲食少思口淡無味及形體消瘦

人參

白茯苓

川芎

當歸身

熟地

炙黃芪

山藥

白芍

白朮

陳皮各一錢

牡丹皮

肉桂

地骨皮

甘草

熟附子 各五分

薑三片棗二枚全煎食遠服

頭髮門主論

馮魯瞻曰髮乃血之餘焦枯者血不足也忽然脫落
頭皮多癢鬚眉並落者乃血熱生風風木搖動之
象也病後瘡後產後髮落者精血耗損無以榮養
所致也當滋補精血爲主

醫鑒云過服辛熱藥而眉髮脫落者乃肝血受傷而
火動非風也宜四物湯六味地黃丸以滋肝血生
腎水

經曰髮乃血苗

心相編曰瘦人髮黃主多貪奸殺

男女髮深必好色拳髮好色犯刑

髮黃者下流

頭髮門主方

黑髮散

烏鬚髮

官粉

真蛤粉

黃丹

密陀僧

石

灰

各等分

研勻水調搽上俟乾水洗去藥用核桃油潤之
女人髮易落而不潤者

榧子 三個

胡桃肉 二個

側柏葉 一兩

搗浸雪水梳髮則潤而不落

長頭髮法

生薑切片擦落髮光皮上數日卽長

髮落不長

川椒四兩用白酒釀浸七日早晚潤禿處其髮自

生

眉毛門主論

靈樞曰足太陽之上血氣盛則美眉眉有毫毛

馮魯瞻曰眉毛所生之地皆屬肝臟之精氣榮養若其臟之精氣虧損則其地之毫毛不榮矣

澄曰眉毛自落乃肝虛血少無以榮養或風濕相搏眉毛漸落卽如樹木枯槁枝葉凋零也治當養血滋肝爲主

心相編曰眉毛開花主運不通

男人眉細主得陰人財帛

眉生黑子招陰人口舌又主水厄

眉毛門主方

長眉法

岐天師

眉落用桑葉七片每日洗之一月重生如舊髮落亦然

發眉



瘍醫大全

卷十

發眉疽

美

顧氏秘書

發眉疽門主論

鬼遺方云左右眉稜兩處發名爲發眉不拘在頭在尾宜防未穴已前毒氣攻擊在眉頭卽攻入眼損睛在眉尾卽攻入太陽並宜留意慎重此疽從眉至頭生瘡黑色漸漸腫漫滿面瘡頭堅硬如石刺之無膿惟出黃水痛不可忍悶亂嘔逆是也由臟

腑積熱風毒上攻而然

準繩

申斗垣曰眉疽生於陽白二穴之分乃足少陽膽經多氣少血治之諸症漸減者生甚者死女人七日

男子二十四日死 啟玄

又曰眉風毒乃肺經受症但覺寒熱往來筋骨酸痛
或作嘔吐卽眉風毒也

竇漢卿曰從眉至頭髮疽色黑其腰漸漸腫氣浮滿
面者死

心法曰鳳眉毒一名眉發生於眉稜無論左右皆勝
眈小腸肝膽四經積熱所致形長如瓜疼痛引腦
二目合腫堅硬色赤按之有根六日內刺之得膿
爲吉無膿則險甚則十四朝不潰煩悶嘔逆不食

者凶


李東垣曰眉疽生於兩眉之間燦爛如人眼目甚可畏也小兒患此必死大人患此十痊五六乃手足少陽經所主宜用海馬崩毒法救之不然膿血浸眼兩目先壞矣

澄曰發眉其症極險類乎疔瘡第一提住瘡根不使根脚散漫內須托毒成膿勿投寒涼破氣傷脾之藥庶可保全性命

發眉疽門主方

海馬崩毒法

凡三發背對口手搭眉疽乳發初起時用熱水自肘後洗至手六經起端處止日洗數十遍以泄熱毒務洗至指甲皮穰不可住手直洗至瘡勢已衰方可住洗蓋三陽經俱屬督脉所領洗至指甲皮穰者俾熱從根本而解也此係秘傳慎勿輕忽



又名面風毒
又名風眉疽

眉心疽門主論

王肯堂曰眉心疽一名面風毒屬足太陽膀胱經風熱壅結陰陽相滯而生若黑色痛甚或麻或癢寒熱併作者疔也

準繩

陳實功曰鳳眉疽發在兩目之間形長皮赤痛引腦戶二目合縫光腫發熱

正宗

心法曰眉心疽一名印堂疽乃督脈經風熱蘊結氣滯而成初起色黯根平硬腫疼痛至二十一朝腐潰出稠膿者順無膿黑陷者逆如初起色赤浮腫

焮痛此名面風毒瘍七日得膿易治若色黑木痛
麻癢太過根硬如鐵釘之狀寒熱並作卽眉心疔
也

懸眉瘡門主論

申斗垣曰兒在胎中母食五辛父殮炙博遺熱與兒
生後眉間如癬流脂成片瘙癢不絕名曰懸眉瘡
又名鍊眉瘡 啟玄

戀眉瘡門主方

戀眉瘡 精義

百藥煎 五錢
生白礬 二錢

研細麻油旋調搽之

又方 啟玄

烟膠 輕粉 各一錢
川椒 五分

猪骨髓熬熟調搽

眉風癬門主論

澄
曰眉風癬乃肝血枯燥風濕外襲初起作癢搔之
纍纍流脂延蔓額上眼胞者是也治當養血滋肝
不得妄用斑猫砒礪猛厲燥烈之藥搽擦祇宜紫
茸膏塗之自愈

眉風癬門主方

眉風癬

黃連三錢研末以麻油調塗碗內用蘄艾燒烟薰
黑入皂礬豆大一塊輕粉少許研勻塗之

小兒胎毒疥癬兩眉生瘡或延及遍身瘙癢或膿水
淋瀝經年不愈

松香二兩 真蛤粉五錢 青黛二錢五分

研細乾摻或陳蠟燭油調搽一方加輕粉枯礬
各三錢

紫茸膏

紫草

白芷

各二錢

歸身

五錢

甘草一錢

麻油二兩全熬白芷黃色爲度瀝清加白蠟輕粉各二錢收膏塗之

眉眶骨痛門主論

馮魯瞻曰眉眶骨痛有二俱屬肝經風熱與痰或作風痰其治類痛風然腦爲髓海而腎主骨多由腎陰不能養骨髓少以致腦虛火起於中寒束於外疼之所始也凡高骨之處及眉毛所生之地皆屬本臟之精氣榮養若其臟之精氣虧損則其地之毫毛骨肉不榮矣故靈樞曰足太陽之上血氣盛則美眉眉有毫毛由是觀之眉稜骨痛者此肝血既失其養而腎水亦不榮於骨矣故主三年之內

有大風疾至明其根本既拔而外邪乘襲也治之者必宜滋補肝腎爲主少佐風藥以使上達如不知此徒以辛熱發散爲事則陰道愈虧益增其害矣

錦囊

眉眶骨痛門主方

祛風清上湯

治風熱上攻眉稜骨痛

黃芩酒炒 白芷各一錢五分 防風

柴胡 羌活各一錢 荆芥八分

川芎一錢二分 甘草五分

白水煎服

又方

羌活二錢 黃芩酒炒一錢五分

白水煎服

大德養

七



卷十

大德養

顏氏秘書

太陰發門主論

正宗曰太陰發乃足少陽膽經多氣少血發於眼稍

臉上瞳子穴

在目外
眥五分

赤腫有膿知痛者生如大渴

悶亂血出不止及青黑色不痛作蛙孔血出盡則

死矣

眼胞菌毒門主論

陳實功曰眼胞菌毒乃脾經蘊熱凝結而成也其患
眼胞內生出如菌頭大蒂小漸長垂出甚者眼翻
流淚亦致昏朦治法用軟綿紙蘸水磨之眼胞上
少頃用左手大指甲墊於患根右手以披針尖頭
齊根切下血出不妨隨用翠雲錠磨濃塗之其血

自止

正宗

又曰宜內服涼膈散清脾飲

心法曰此症初如菌形頭大蒂小黃亮水胞亦有頭

小蒂大者漸長垂出堅凝不痛有纏綿經年不愈者以致目病乃脾經素有濕熱思鬱氣結而成初起宜清涼圓洗卽消

眼胞菌毒門主方

清涼圓

當歸尾

赤芍

石菖蒲 各二錢

羌

活 五分

地膚子

川連

生杏仁

各一錢

膽

礬 二分


共研粗末以大紅絹包紮如櫻桃大滾水浸泡

乘熱蘸洗

眼胞痰核門主論

心法曰眼胞痰核結於上下眼胞皮裡內外其形大者如棗小者如荳推之移動皮色如常硬腫不疼由濕痰氣鬱而成外用生天南星蘸醋磨濃頻塗眼皮日數淺者卽消日數深者雖不能卽消常常塗之塗令皮薄微微剝損以手指甲擠出如白粉汁卽消

上眼丹下眼丹



眼丹門主論

陳實功曰眼丹乃脾經有風胃經多熱共結爲腫風多者則浮腫易消熱甚者則堅腫難散宜如意金黃散敷之膿成急以針針之遲則眼頭自破此乃睛明穴內空難斂成漏者多以致變爲漏睛瘡久則損明 正宗

申斗垣曰眼胞屬脾胃謂之肉輪如赤腫甚不作膿者名曰眼丹 啟玄

胡公弼曰上下眼丹雖外見脾胃部位其實心經受

毒熱傳脾胃熱毒升上血氣凝聚而成丹毒也

青

李東垣曰凡眼丹赤腫作癢癢後作痛不治則成膜
血初起宜酒炒甘菊花或炒鹽隔紙熨之

心法曰眼丹若腫突下垂不能視物者偏於風盛也
浮腫易消若炊紅色紫堅硬者偏於熱盛也腫硬
難消

眼丹門主方

驗方

水調銀硃敷之自消

又方

寶太師

皂

礬

五錢

大粉草

二兩

全熬濃膏加冰片少許用鴨毛蘸潤眼眶上

又方

精豬肉切片如指甲大用井水漂去其血貼患處

不時易之

漏睛瘡門主論

寶漢卿曰夫漏睛瘡者肝臟毒氣小腸邪風外攻腎
端灌於瞳人初生疼痛漸成膿水其色如泔日久
睛昏氣敗肝絕難救之證外用當歸地骨皮黃連
煎湯溫洗

治方關要云惟補腎宣肝爲主

心法曰此症生於目大眦由肝熱風濕病發於足太

陽膀胱經

睛明穴

其穴係藏淚之所初起如荳如棗

紅腫疼痛瘡熟雖小根源甚深潰後出黏白膿者

順出青黑膿者險若瘡口過出淚液以致目內乾
澁者収斂更遲若潰斷眼邊弦者不治

秘笈云此證皆因膀胱積熱深邪伏而不散積久必
潰病始外見目內眚穴屬膀胱開竅如針按之則
浸浸膿出視物微昏眊隱澁宜服神效黃芪湯
久病不愈者用烏金膏以米糕和爲條曬乾插入
竅內每日換二次化去白管則肌肉自生膿自止
矣隨以黃芪湯爲丸服之

漏睛瘡門主方

烏金膏

治諸狀外障風癢血縷癰瘡胥肉扳睛雞冠覘肉漏睛瘡

晉

礬

即明礬

米

醋

自造紅香者佳一碗半

共入銅鍋內文武火熬乾如濕翻調焙乾取出
去火氣研細末用時不拘多少再研至無聲入
生蜜調勻盛磁罐內塗點患處久閉或五日七
日上下胞俱腫方可歇藥數日其紅腫盡消觀

輕重再點如漏睛膿出用糕和勻作條晒乾量
穴深淺插入化去瘀肉白管則新肉自生而膿
自止矣

眼睛崇症門主論

岐天師曰有人眼內長肉二條長一寸如線香之粗
觸出於眼外此乃崇症也雖是肝膽之火無崇則
不能長此異肉法當外用去刺全目丹點之內服
舒鬱全睛湯主之此方妙在舒肝膽之氣而又瀉
其火與痰則本源已探其驪珠又何愁怪肉之重
長耶

石室秘籙

眼睛崇症門主方

去刺全目丹 石室秘錄

治崇症

黃連 冰片 甘草 各一分 礪砂 五厘

共研無聲為度用人乳調少許點肉尖上覺眼珠火炮出一時收入而愈

舒鬱全睛湯

柴胡 陳皮 甘草 各一錢 黑山梔

白朮 白芥子 白茯苓 各三錢 白芍 五錢

水煎服

分

三

偷針眼門主論

申斗垣曰此心膽小腸之火壅盛也眼眥角上起窠作腫久則潰膿凡有此瘡其人胸背上必有小瘡窠纍但以針挑出血則眼角瘡不治自愈矣故名曰偷針眼俗名偷針窠

敬玄

章氏曰偷針眼初起令患人自用針尖對患上輕輕戳四十九下自消

經驗

王氏曰偷針眼初起翻過眼胞眥內有一細眼用頭髮一根刺入淚出自愈

集效

秘錄曰偷針眼其人背上膏盲穴有紅點但以針挑破卽愈

東垣曰偷針眼又名挑針毒乃肝脾積熱所致初起用冷水以手拍腦後背膊百遍看有紅筋白泡起用小針刺破其泡其腫自消

又曰偷針眼用糯稻七粒每粒在泡上輕輕撞之七粒七下自消

心法曰偷針眼生於眼皮毛睫間由脾經風熱而成形如葶粒有尖初起輕者宜金黃散鹽湯沖洗膿

未成卽消矣如洗之不消候膿熟針之如破後冒
風浮腫用芎皮散外用枯礬末並雞蛋清調敷腫處

雙目流血門主論

澄
曰雙目流血大人屬心肝二經火盛而成宜涼心
清肝其血自止小兒乃胎火肝熱所致宜涼肝導
赤兼與鯽魚煨湯喂之自效

雙目流血門主方

涼心清肝湯

生地

當歸

白芍

炒山梔

丹皮

丹參

扁柏葉

川連

生甘草

燈心十寸爲引

涼肝導赤湯

生地

丹皮

澤瀉

赤茯苓

炒山梔

人中黃

瘍醫大全

卷十

雙目流血方

李

顧氏秘書

赤芍

木

通

燈心七寸爲引

痧痘後兩目腫主論

申斗垣曰夫痘後小兒兩目胞腫蓋下臉上寸許熱
淚相掙臉爛成瘡久治不痊只須泄去陽明胃經
濕熱則腫消淚止痛除宜黃連解毒湯三黃丸主
之 啟玄

痘風眼門主論

澄曰痘風眼乃痘後封眼火微開眼過早外風乘虛而襲作癢揉搓而成

痘風眼門主方

痘風眼

生薑一塊上挖一洞將銅青填滿仍以挖下之薑合上外以粗紙打濕裹好慢火煨炙待紙乾取出銅青研細磁瓶密貯臨用以熱乳調點數次即愈

又方

初生小兒臍帶熱血乘熱點之

又方

白菓肉

鉛

粉

各一兩

銅

青

五錢

加入乳調勻塗瓦上用艾圓二十四個點着燻乾刮下爲丸如芡實大每用一丸人乳浸化冲水洗眼不過七丸卽愈

又方

川連

地骨皮

白

礬

各一錢

鮮槐條

五段

銅

青

五分

川

椒

七粒

用水一大碗煎滾取起少冷又煎如此三次去渣入磁罐收貯埋土內七日取出用雞翎掃眼

角忌風十四日

迎風弔淚痘風眼年久者可治

枯

礬

皂

礬

各一錢

花

椒

五分

每清晨用滾水冲於碗內上用綿紙隔着將銅錢一個壓於紙上待自來清水每日早午晚須緊閉雙目止温洗眼皮每料可用三日洗的九次重者十料輕者三五料除根

痘風眼

蚶虫揉爛取汁搽眼邊上永不再發

痘毒攻目門主論

陳實功曰痘毒攻目皆因長漿時不會用藥攻漿致漿不充滿以致圓水眼胞紅腫不能開放而毒火上炎攻注兩目此時宜急以清毒保目湯連服二三劑以解上攻之毒火不獨可免目患乃委而棄之曰眼中有痘非所能醫遂使毒火亢極翳膜遮蔽瞳人日夜啼叫痛苦異常雖性命苟延而雙目喪明不過成一廢人耳嗟嗟庸醫誤人莫此爲甚善夫聶清江先生曰此非有形之痘乃無形之火

也蓋有形之痘發於咽喉口舌者有之然外痘起
脹內痘亦起脹外痘收靨內痘亦收靨惟入眼之
毒必作於收靨之時此以知其非有形也明矣故
患此者始宜用清毒保目湯解之於前看有翳膜
遮蓋黑白珠或侵入瞳人徐徐用清毒撥翳湯治
之於後或隔一日一劑二日一劑雖三四月之久
尚保無虞切不可過用寒涼責效於數劑之間計
功於旬日之內又不可聽庸僞眼藥磨點登時損
壞更不可因本家吝嗇或貧乏遂推諉不治大傷

陰德戒之戒之 正宗

秘笈云此緣痘疹之後餘熱未退毒氣上攻於目或因氣虛痘不起漿不來醫者服以參芪升托之劑痘雖得痊而熱毒遂攻目中致使瞳閉不開淚出

腫痛羞明怕日或生蟹睛翳膜等證先服消毒化

癰湯

黃連當歸連翹白朮甘草紅花陳皮蘇木柴胡黃栢川芎防風生地升麻乾葛麻黃羌活

黃芩

藁本細辛蒼朮吳茱萸白朮煎服此方即稀

痘丹

凡立春立夏立秋立冬前一煎一劑露一

宿如

天雨可將藥放屋簷下露一宿次日隔湯燉

熱初

生者只服三五匙週歲以外服半劑三四歲

者服

一劑但能服過四次可保永不

出痘

縱出亦稀此乃神應之方也

或清涼散大

便如常去硝黃或用敗毒散加連翹牛蒡子醫者
妄用去翳剋伐之劑過多其翳反厚則難治矣若
脾胃受傷肚腹不調者服補中益氣湯茯苓燥濕
湯人參啟脾丸石斛夜光丸其患漸愈

痘毒攻目門主方

痘毒攻目神法

每清晨用兔糞八粒清水蟬蛻

去頭足

二十四隻水

二大盃入磁罐內慢火熬滾令其性味俱出入公
豬肝或黑羊肝七尖四兩切薄片於湯內一刻卽
熟先飲湯後食肝湯散兼治兩月之久翳膜可消
去一半百日之久湯散奏效自可痊愈戒暴躁惱
怒並戒煎炒辛熱等物凡遇此等險症必須細心
研究斟酌用意不可忽畧

清毒保目湯

痲落後忽然頭頂大痛者乃餘毒上攻兩目也
急宜服此以解上攻之毒火可免目患

柴胡一錢 蟬蛻二十一當歸

桔梗各八分連翹 防風

牛旁子 川芎 荆芥穗

赤芍各七分升麻 黃芩酒炒

薄荷各五分山梔酒炒甘草各三分

燈心五十寸全煎

清毒撥翳湯

痧痘翳膜神效

生地黃

一錢五分

當歸

一錢

柴胡

八分

牛蒡子

五分

薄荷

白蒺藜

去土炒

天花粉

酒蒸

白葛粉

薄荷

防風

川芎

密蒙花

穀精草

草決明

甘菊花

各七分

梔子

酒炒

羌活

活

木賊草

各五分

川連

酒炒

三分

生薑一片煎食遠服若大便秘澁加酒炒大黃

一錢五分通利仍除之切忌寒涼並眼科點藥

痘瘡損目

輕粉

黃丹 各等分

研細左眼吹右耳右眼吹左耳

痘後眼不能開

寶氏

鱈魚血滴入眼內或芭蕉根汁溫洗並效

痘入眼

白蒺藜

炒去刺

穀精草

防

風

各等分

共爲末每日食後米泔水調下二錢五分

痘瘡入目痛楚恐傷目者

萍萍陰乾研末三錢羊肝半個竹刀切碎搗爛共
汁和空心調下清茶過口傷目者數服自愈小兒
減半

痘入目或病後生疇

蟬 蛻 洗淨

白菊花 各等分

研末每服二錢蜜湯調數服愈

小兒痘後翳膜遮睛百日內者可治

兔 糞 瓦焙

鼓槌穀精草 去砂土淨
各一兩

共爲細末不拘茶酒菜飯內摻入服之一料全

愈

又方

穀精草 一兩

生蛤粉 二兩

爲末用獾猪肝一兩去淨筋膜竹刀切片和藥末一錢飯上蒸熟連肝食之

小兒飛痘入眼外用吹耳法

黃丹

輕粉 各五分

共研勻左目吹右耳右目吹左耳每日吹匝許痘瘡癰疹入眼生翳障

白菊花

穀精草

菜豆皮

各等分

共爲末每用一錢以柿餅一個粟米泔一盞同
煮候泔盡食柿日食三枚淺者五七日重者半
月全愈

又方

鰾雞肫內黃皮焙末拌飯中或藥內與兒喫七日
自愈

痘疹入目眼生白翳

橄欖核磨水加輕粉一二厘調勻搽眼胞上藥氣

入裡卽落

小兒血眼門主論

馮魯瞻曰小兒百日內嗽名爲乳嗽肺葉尤嬌最易傷損更須急治久則血脉貫瞳兩眶紫黑或眼白珠紅赤如血名曰血眼當用生地黑荳共研成膏掩於眼上則眶黑自消血隨淚出自愈